

# Kwethulwe isichazamazwi esehlukile

## MHLENGI SHANGASE

**S**IZOFAKA isandla ekufundiseni abafundi babuyise isikhathi esilahlukile isichazamazwi i-Oxford esixube isiZulu nesiNgesi ezikoleni ikakhulu eziswele.

Lesi sichazamazwi esihlukile kwezinye njengoba singachazi kuphela igama kodwa libuye lisetshenziswe emushweni, sizosiza abafundi abasale ngemuva ngenxa yesiteleka sothisha ngo-Agasti esadonsa kakhulu.

Nakuba sithole ukugxekwa ezinhlakeni ezifana nebhodi elibhekele izilimi KwaZulu-Natal ngendlela okuchazwe ngayo amanye amagama kodwa abashicileli baso bathi sizosiza kakhulu nezinye izinhlanga ezifunda isiZulu.

UNkK Nomusa Sibiya, okunguyena obeseqhwini kuhlanganiswa lesi sichazamazwi, uthethe kakhulu abafundi ngoba sinezinye zezifundo ezifundwayo ezikoleni.

Uthe kungokokuqala ukwethulwa kwesichazamazwi esifuze lesi, wathi nabangasincelanga ebeleni isiZulu, sizobasiza kakhulu ngoba bazokwazi ukusifunda kalula manje.

“IsiZulu sinzima kakhulu ukusifunda kulabo bantu



**UNKk Nomusa Sibiya, obeseqhwini kuhlanganiswa isichazamazwi sesizulu nesiNgesi esizosiza kakhulu abafundi abahlanganyezwe isiteleka**

abakhuluma isiNgesi nakanjalo kulabo abazi isiZulu okumele bafundi isiNgesi. Ngifisa sengathi ngabe kade saba khona lesi sichazamazwi ngoba ngabe kulula kakhulu ukufunda ulimi,” kusho uNkK Sibiya.

Umcimbi wokwethulwa kwalesi sichazamazwi ubuseZimbali Lodge, eThekwini kanti ubuhanjelwe ngabefuleka ngezifundo ezikoleni, umholi we-IFP Inkosi Mangosuthu Buthelezi, abaphathi bamaNyuvesi okubalwa owasoNgoye, uSolwazi Fikile Mazibuko nabanye.

UNkK Sibiya uthethe kube khona ukuvungama ngaso

wathi kodwa njengababhali amaphutha ayenzeka, nakulokhu abe khona wathi bayawalungisa.

“Sisebenzisana nezinhlanga eziningi okubalwa neBhodi leziLimi lakulesi sifundazwe kanti kuke kwaba khona ukukhala kulona ngamaphutha abe khona. Noma umbiko ogwele ngingakawufundi kodwa simatasa sizama ukulungisa izikhala zaleli bhodi,”

kuqhumba uNkK Sibiya. Uthe sesiyatholakala ezitolo wathi basiyise nasezikoleni ezingenayo imitapo yolwazi ukuze sisize abafundi abantula ulwazi. UShenge ukhale kakhulu



**UMCIMBI wokukhombisa ngesichazamazwi sesizulu eZimbali Lodge obuhanjelwe nangokuNdamankulu kaZulu, uDkt Mangosuthu Buthelezi**

ngezinselelo athe elakuleli lisabhekene nazo njengezinga eliphansi lemiphumela kaMatric, isibalo esincane sabangena ezikhungweni zemfundo ephakeme, ikakhulu emikhakheni yeMaths neSayensi.

Uthe lesi sichazamazwi sizosiza izinhlanga ezehlukene ngoba esikhona sesizulu sashicilelwa eminyakeni engu-40 edlule,

ngakho lesi sizosiza ngoba amasiko nokwenza sekugqukile.

“Isichazamazwi lesi sizosiza kakhulu abafundi ngoba bazoqonda abakufundayo sizobathuthukisa bakwazi ukubhala nokukhuluma ulimi olwengeziwe. Kumanje kunokukhathazeka ngezemfundo njengoba sisuka emidlalweni yeNdebe

yoMhlaba nesiteleka sothisha njengoba othisha basemabangeni aphansi bekhala ngokuthi kumele baqale phansi bafundise konke lokhu abese bekufundisile ekuqaleni konyaka,” kusho uShenge.

USolwazi Mazibuko uthethe Ongoye bayafundisa ngesiZulu njengoba kukhona abenze ucwaningo lwabo balwethula ngawo uMageba.